

սլահապան զօրս, մինչ ցաւարտումն չինուածոյն, և 'ի լինել
դատաստանի յայտնեացին յանցաւորքն : Լուեալ Հայոց
զմեծաբանութիւնս նորին, ազդ արարին Դատաւորին, և
նա առաքեաց առ նա զմին 'ի սլաշտօնէից իւրոց հանել
զզօրս 'ի տաճարէն, զի չէր մնաս ինչ յերկուսեքէ, և
մնալ թէ ուր կայանայ խնդիրն : Ի վաղիւ անդր բացաւ
դուռն և դնացին անդ քննել զվէճն և սահմանել : զկնի
բազում բանից իբրեւ տեսին Հայք թէ անհնարին է Յու-
նաց թողուլ զայն կամար բոլորովին, ակամայ կամօք հա-
ճեցան լինիլ բաժանորդ, և կախեցին զկէս շար և 'ի վե-
րայ նորա կանթեղք 3. կախեցին և Յոյնք կէս շար՝ նոյն-
պէս 'ի վերայ նորա կանթեղք 3, և մնաց այնպէս :

Իսկ Քաղաքապետն ոխացեալ ընդ Հայս՝ սպասէր դի-
պող ժամու դաւաճանել զնոսա : Հայք զխաչկալս խորա-
նին և զայլ կարեւոր իրս վերնատան չեւ եւս էին պատ-
րաստեալ, նմին իրի խնդրեցին 'ի Դատաւորէն և 'ի գոր-
ծակալաց, 'ի պատրաստելն դնել զայնս 'ի տեղիս իւր-
եանց անարգել, և նոքա յանձն առին և ետուն հրաման,
փակեցաւ դուռն :

Գ Լ Ո Ւ Խ Լ .

Խնդիր Ս . Աստուածածնի և Ս . Ծննդեան : Արգելումն գործոյն Հա-
յոց 'ի կողմանէ Կուսակալին : Գիր Նուրի Էֆենտեայ : Մեկիւլ յե-
րուսաղէմէ Խօճաքեանին, Ճարտարապետին և Ոստիկանի Կուսակալին :
Սարգիս և Դիոնէսիոս վարդապետաց երթալ 'ի կոչ Կուսակալին :

ՅԵՏ կատարելոյ զայսոսիկ 'ի տաճարին Ս . Յարու-
թեան, Հայք եւ գործակալք առաջի եղին Դատաւորին
սկիզբն առնել գործոց Ծննդեան և Ս . Աստուածածնի .
և նա ասէ՝ աղաչեցին զիս Յոյնք ոպասել մինչեւ առնուլ
լուր ինչ 'ի Դամասկոսէ, զի վասն այն առաքեալ են ըզ-
Սախարեայն : Տարակուսեալ Հայոց 'ի վերայ այսր բանի,
ասեն՝ կատարեա՛ դու գիտութեամբ ամենեցուն զոր խոս-
տացարդ, և 'ի գալստեան հրամանի Կուսակալին յայնժամ